

外科正宗卷十

海甯許 楣辛木訂

明崇川陳實功著

吳江徐大椿靈胎評

海甯蔣光燾寅昉校

傷寒發頤第四十七

傷寒發頤。亦名汗毒。此因原受風寒。用藥發散未盡。日久傳化爲熱不散。以致項之前後結腫疼痛。初起身熱口渴者。用柴胡葛根湯清熱解毒。患上紅色熱甚者。如意金黃散敷之。初起身涼不渴者。牛蒡甘桔湯

散之患上微熱不紅疼痛者冲和膏和之腫深不退
欲作膿者宜托裏消毒散已潰氣血虛弱食少者宜
補中益氣湯以此治之未成者消已成者潰已潰者
斂用之最穩。

徐曰此段所用之藥俱切病此症宜辛涼疎散最

忌太寒

柴胡葛根湯

柴胡葛根湯花粉
石膏升麻併桔梗

甘草連翹牛蒡芩
傷寒頤毒用之靈

治頤毒表散未盡身熱不解紅腫堅硬作痛者。

柴胡

天花粉

乾葛

黃芩

桔梗

連翹

牛蒡子

石膏

各一錢

甘草

五分

升麻

三分

水二茶鍾煎八分不拘時服。

徐曰此症主方惟石膏花粉爲寒凝之品初起禁用。

牛蒡甘桔湯

牛蒡甘桔湯赤芍加上川芎食遠服

花粉黃連蘇木陳傷寒頤毒卽時平

治頤毒表邪已盡耳項結腫微熱不紅疼痛者。

牛蒡子

桔梗

陳皮

天花粉

黃連

川芎

赤芍

甘草

蘇木

各一錢

水二茶鍾煎八分食後服。

徐曰。卽前方意。

傷寒發頤應用方

如意金黃散

托裏消毒散

沖和膏

俱見腫瘍門

補中益氣湯

見潰瘍門

痼發第四十八

痼發乃天時不正之氣所感而發。非毒內作也。此患多

生於手足掌心。或腰腿臀下伸縮之處。漫腫無頭。憎

寒發熱。四肢沈重。煩渴爲甚。

以上六句徐逐句斷圈

初起宜服

萬靈丹發汗解表。腫仍不消者。必欲作膿。托裏消毒

散兼蠟礬丸問服以後俱照潰瘍法治

徐曰此症人多不識。各人自造一說。用藥亦名人各樣。雜藥亂投。往往致死。而人總不知也。

又曰。此等最難識。乃溼熱之症。卽所謂無名腫毒也。以消痰利溼爲主。

痼發應用方

萬靈丹

托裏消毒散

蠟礬丸

俱見腫瘍門

癰疽第四十九

癰疽一名蛇瘡。川廣烟瘴地面有之。初出先作紅點。次

變黑色。腐爛筋骨。小者如粟如豆。大者如梅如李。發
無定處。初用蟾酥餅膏貼。寒熱交作者。黍米寸金丹。
或飛龍奪命丹亦可。紅腫遊走不定者。眞君妙貼散。
加雄黃敷之。自然截住。破後脾胃虛弱。食少乾嘔者。
補中益氣湯加黃連麥冬。補而不應。腫高疼甚。惟出
清水穢汁者。不治。

徐曰。此症江浙所無。

癰疽應用方

飛龍奪命丹

卽蟾酥丸加金頭蜈蚣二條

黍米寸金丹

眞君妙貼散

見腫瘍門

補中益氣湯

見潰瘍門

小腹癰第五十

小腹癰乃七情火鬱以致脾虛氣滯而成。其患小腹漫腫堅硬。肉色不變。有熱漸紅者。屬陽易治。無熱不紅者。屬陰難治。初起七日以前。用艾當腫頂灸七壯膏蓋首尾內服健脾胃養氣血行經補托之劑。可保終吉。如誤用剋伐攻利涼藥者。敗症必出。十全大補湯倍加參耆。薑附以救之。

此句徐勒批曰亦是蠶藥不切

內腐深陷者

玉紅膏長肉收斂。補托不應者。雖愈終久成漏。

小腹癰應用方

十全大補湯

玉紅膏

俱見潰瘍門

徐曰。以上有症無方者。卽于諸症之中擇其切病者用之可也。

鸛口疽第五十一

鸛口疽乃三陰虧損。督脈之經濁氣溼痰流結而成。其患發在尾間之穴。高骨頭尖。初起形似魚脰。久則突如鸛嘴。朝寒暮熱。日輕夜重。潰後稀膿出而無禁。又或鮮血出而不停。凡發此者。壯年猶可。老年可慮。初

起宜滋陰除溼湯和之。已成未潰者。和氣養榮湯托之。潰而不斂者。滋腎保元湯補之。久而成漏者。琥珀蠟礬丸兼先天大造丸服之。甚妙。

徐曰。因各不同。不僅三陰也。

滋陰除溼湯

滋陰除溼湯知母骨皮貝母兼澤瀉

白芍芎歸熟地芩還有甘草與柴陳

治鸛口疽初起。朝寒暮熱。日輕夜重。如瘡等症。

川芎

當歸

白芍

熟地

各一錢

柴胡

黃芩

陳皮

知母

貝母

各八分

澤瀉

地骨皮

甘草

各五分

水二茶鍾。薑三片煎八分。食前服。

徐曰。此通治之方。不切此症。

楣案熟地徐勒。

和氣養榮湯

和氣養榮湯尤耆丹皮當歸併甘草

參苓熟地共陳皮沈香一味用亦宜

治前症已成。不得內消者。宜此藥托之。

人參

陳皮

白朮

黃耆

茯苓

丹皮

當歸

熟地

各一錢

沈香

甘草

各五

分

水二茶鍾煎八分。食前服。

徐曰破後膿多可服

滋腎保元湯

滋腎保元湯杜仲歸苓萸肉併甘草

參耆朮附桂丹皮棗薑熟地總堪施

治前症元氣虛弱膿水淋漓久而不斂者

人參

黃耆

白朮

茯苓

歸身

杜仲

山萸肉

丹皮

熟地

各一錢

附子

肉桂

甘草

各五分

水二茶鍾薑三片棗二枚蓮肉七枚食前服

徐曰此方亦太蠻

鸛口疽應用方

琥珀蠟礬丸

見腫瘍門

先天大造丸

見流注門

龍泉疽虎鬚毒第五十二

此二毒乃任督二脈分合行布。驟被外邪所搏而成。龍

泉疽發在人中之間。虎鬚毒生於地角之上。初起疙

瘩。次生腫痛。漸發寒熱。甚者惡心乾嘔。腮項俱腫。此

穴忌灸。

此句徐圈

初起宜線針挑破患頂。

此七字徐圈批曰獨此症當挑

以蟾酥餅放上膏蓋。使毒有門而泄。四邊掀腫。用如

意。金黃散圍之內有表症者。荆防敗毒散加芩連牛

蒡子裏症。內疏黃連湯已成。欲其作膿。芎歸內托散。

膿成脹痛者。針之。

此七字徐國批曰膿成乃可針

即愈。潰膿後只宜

膏藥換貼。其口易完。此症多生於元氣壯實者。故多不必服藥自愈。

徐曰。此等症近于疔毒。當以治疔之法治之。

芎歸內托散

芎歸內托散陳皮茯苓甘草銀花等

桔梗花粉生黃耆虎毒龍泉服最宜

川芎

當歸

陳皮

茯苓

天花粉

桔梗

銀花

黃耆

各一分甘草

水二茶鍾。煎八分。食後服。

徐曰。此方亦平妥。

龍泉疽虎鬚毒應用方

如意金黃散

內疏黃連湯

見腫瘍門

荆防敗毒散

見時毒門

石榴疽第五十三

石榴疽者乃少陽相火與外淫相搏而成其患生在肘

尖上一寸

此句徐國批曰此亦奇症

初起一點黃粟小泡根便開

大色紅堅硬腫如覆碗皮破泛出疊如榴子令人寒

戰猶如重瘡初起卽灸九壯

此句徐國

內服蟾酥丸發汗

以解蘊毒灸頂上蟾酥餅貼之膏蓋掀腫處金黃散

敷之內服菊花清燥湯琥珀蠟礬丸煩躁熱甚者護

心散。金液戊土丹。九日後。患上作膿稠黃。疼苦稍減。表裏症退。飲食微進者。可保無虞。反此為逆。潰後元氣虛弱。雜症相兼者。照癰疽調理法治之。

徐曰。此症初起易忽。已成則無人能識。此篇治法最良。

菊花清燥湯

菊花清燥湯生地
柴芩甘草升麻等

知母芩歸地骨皮
犀角門冬白芍宜

甘菊

錢二

川芎

當歸

知母

貝母

白芍

生地

麥門冬

地骨皮

各一錢

升麻

犀角

甘草

柴胡

黃芩

各五

分

水二茶鍾。淡竹葉燈心各二十件。煎八分。食後服。

徐曰。此病主方。

石榴疽應用方

蟾酥丸

見疔瘡門

琥珀蠟礬丸

護心散

如意金黃散

俱見腫瘍門

金液戊土丹

見脫疽門

穿踝疽第五十四

穿踝疽乃足三陰溼熱下流停滯而成。初起內踝腫痛。

疼徹骨底。舉動艱辛。甚則串及外踝通腫。有頭者屬